

## 開放文學 – 神鬼仙俠 – 東遊記 四五 國舅學道登仙

曹國舅者，宋曹太後之弟也，名友。其弟曹二，恃帝室之親，逞豪樑之性，奪民田地以自益，古人子女以自娛，且每不法，趨走小人，多出其門。國舅始力誨之，不能易其惡，終力懲之，而反為其仇。國舅曰：“天下之理，積善者昌，積惡者亡，此一定不可易者。吾家累積陰功，故有今日之富貴。今吾弟積惡極矣，雖能明逃典刑，不能暗逃天網。倘一旦禍起，家破身亡，彼時欲牽黃犬出東門，不可得也，吾恥之懼之。”於是盡散家貲，周濟貧乏之人，不問所為。乃辭家別友，只身道服，隱跡山岩，修心煉性。數載之間，心與道合，形隨神化。忽一日，鐘離、洞賓遊至其處，問曰：“閒居修養何事。”國舅曰：“其他無所作為，欲修此道耳。”二仙曰：“道安在？”國舅指天。二仙曰：“天安在？”國舅指心。鐘離笑曰：“心即天，天即道，卻識本來面目矣。”遂引入仙班。